



UNIVERSITÄTS-  
BIBLIOTHEK  
PADERBORN

**Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Liber III. Mors.

---

[urn:nbn:de:hbz:466:1-70001](#)

209  
LIBER III.

M O R S.

*Epigramma 1.*

Ioannes vbi Herodem arguit incestus  
cum Joseph Patriarchâ  
comparatur.

Incestas epulas, inconcessosque hymenæos  
Cypride quos zonâ vinxit adulter hymen,  
Despuit, & duris Vox increpat a qua querelis.  
Alter an hic Joseph? carcer & alter erit?  
Vix breue Josephus spolium sed liquit, & umbram;  
Præco suum ponit corpus, & exuuias.  
Ille fugit: tristes hic induit ultrò catenas.  
Hic Dominæ noxas arguit: ille filer.  
Hic sedet in cippo, cœcoque doloris asylo:  
Libet at ille graui compede, sceptræ regit.  
Ne quid turpe patret; gemuit sub carcere Joseph.  
Ne probra foeda pati Vox pia possit, obit.  
O quis vocis honos! quam prouida cura pudoris!  
Vel spectare nefas, cui graue crimen erat.

*Epigramma 2.*

Herodias esto suavi odore fragrans, &  
Arabicas olens delicias, tamen vul-  
turis instar, hiat cadauer.

Frons violis, liquidaque comæ cui fimbria nardo  
Liquitur, & Syrias purpura spirat opes.  
Cinnamaque vda rosis, quæ mysta remandit, odoris.  
Os ut olens auræ quæ præit, inde trahat:  
Anne putas suaves myrræ transpirat honores?  
Lena meram putri rabe mephitin olet.  
Sic potius, gratos ceu vultur abhorret odores:  
Putida lana putri mente cadauer <sup>(a)</sup> iat.

Odit <sup>(a)</sup>

Odit & illa rosas, roseique pudoris honorem,

Vatis in ore nigri vulturis hoc & habet.

(a) *Vultur suaves fugit odores, & ambit cadaver.*

*Epigramma 3.*

Ioannis sanguinem uti dulcissimum mel  
Herodes & Herodias sitiunt.

D Elicias Siculo quas instruat aula paratu,  
Paupere de ferro cippus acerbus alit.  
Mors lautas epulas in regia fercla ministrat,  
Quem flos Ambrosiae, siue medulla fluat,  
Iam satur, ecce, mero Rex, & Regina leonum,  
Dulcia de casto saignine pocula sitit.  
En vocis caput ambo vorant, nec miror Erinnyn.  
Id mera dulcedo est, mel furor inde bibet.

*Epigramma 4.*

Herodias filia praegregni dimidio eligit  
Ioannis caput.

MOMVS AD HERODIADEM.

Q Vx poteras sceptro partiri principe regni  
Dimidium, maiis lugubre stulta caput.  
Pars vatis cui parua Syro præponderat orbi,  
Quam non æqua bilanx ista furoris erat.  
Si furor est, odiumque caput, præ diuite regni  
Dote legi, est æquo carius emetus amor.

*Epigramma 5.*

Ioannes damnatur, & noxae deditur.

T Yrpe chori pretium cadit, ah ! chelys aurea vatum  
Et nigra præda lupæ, candidus agnus obit.  
Iam Lestrygoniæ cœnæ pro ! quale theatrum ! (a)  
Sanguineo fumant cœdua colla mero.

N v

Hæc

Hæc meritis merces? dos hæc suprema pudoris?  
Virtus pura graui criminè, crimen erit?  
Sol alijs inuerte nouum nunc orbibus orbem.  
Si scelus est virtus; nox sit & ipsa dies.

(a) *Lestrygones in Italiâ, uti & Cyclopes in Sicilia, hodieque Brasili non horruerunt humanis vesca carnibus.*

### *Epigramma 6.*

#### **Caput Ioannis in disco petit Herodias.**

#### **AD HERODEM.**

**D**imidium regni spondes? sed parcito sceptro,  
Rex id habe torum, munera parua peto.  
Et breue quid, discum quod non benè compleat, vno  
Hoc tamen in disco plurima damna lues.  
Sic petit in saeuos male blanda puella furores.  
Seu potius dirum docta Megæra scelus.  
Tum quis ut in cœnâ, cui proximus accubat hospes,  
Ipse pedem tacito dum pede tangit, ait,  
Qui dat sidereum Vocis caput, ipse coronam  
Rex dedit, & regnum, nunc ubi sceptra geret?  
Si non & regno quid grandius vltro Megæris  
In capite hoc dederit, quo sibi funus emit.

### *Epigramma 7.*

#### **Ioannis caput in disco, crudum cruelitatis epulum.**

**L**ena mero iam pota, nouum sitit inde Lyæum,  
Ceu sit inexpletâ Dipsas (a) inusta siti.  
Haurit enim calidum cæso de vate cruorem.  
Pro cyatho, discus sanguinolentus erit.  
Nempe Mycenæ (b) nunc rursus ad orgiacæng;  
Hospes acerba suâ symbola morte luit.

Regia

*Regia cæna meri pro flore bibisse cruorem*

*Si fuerit. crimen Rex bibe dulce mero.*

*Non ego. regalis valeant fera pocula mensæ.*

*Præ satie hac, siccum malo sit ire stim.*

(a) *Dipsas; si quem mortuus appetierit, nequit is ultra aquarum copiam sitim explere. Causam vide apud Lucian. de Dipsadib.*

(b) *Mycenis funestum illud Thyestæ epulum fuit appositum.*

### *Epigramma 8.*

#### *Quæstio.*

*Quid caput Ioannis argenteâ in lance.*

*Stat caput in mensâ. Lichnuchum crede furoris.  
Ardet in argento dira lucerna suo.*

### *Epigramma 9.*

*Caput in disco exsecrabile ferculum.*

E N, caput in disco, natali Regis in astro,  
Obsecro, dic, cuius pescis, idanne feræ est?  
Heu! quod specto nefas! os sacrum pallet in auro.  
Impius obscenæ Rex struit ergo dapes?  
Exsecror, infandi si truncus ob ora Cyclopis  
Fumat homo; hæc homines, pascit auæca feras?

### *PALINODIA.*

N Escio quis tacita mihi voce susurrat in aurem,  
Me cubito pinsens, cui pede presso pedem:  
Hic hominem si pascat homo, cui dulcis vi mel  
Sanguis: an humanam quis neget esse dapem?

### *Epigramma 10.*

*Seuitiæ dirum ferculum è capite  
Ioannis.*

D Ira Thyestæ spectasne piacula cœnæ?  
Rursus adest Atreus, rursus & Vista furit.  
Rursus

Rursus & in tristi desoluit imagine pelle.  
 Rursus & intentat læua proterua minas:  
 Et lanx cæde rubet. pró! quis furor iste Medusæ?  
 Qui ne morte quidem, iam velit ipse mori.  
 Atque nouam quærit cædem de cæde, nec hauitus  
 Hanc crux extinguit, quam babit ira sitim.  
 Ecquis erit tandem sceleri modus? ipsa crux  
 Si saties rabidis sic sis haustra feris?

*Epigramma 11.*

*Quæstio.*

**Cur Herodes & Herodias Ioannem  
 qui est Vox clamantis, tollit?**

**O** Buia mæcha rapit Vocē, & Rex mæchus; ut hec  
 Obuius. An nescis? hic lupus, illa lupa est.

*Epigramma 12.*

*Ioannis Mors.*

**S**ic variis vatum tristes cadit ergo sub umbras?  
 In capite hoc capitum millia mille iacent.  
 Cui magis illecebræ nocuere chorusque lyreque;  
 Quam ferus immiti qui metit ens, furor.  
 Tam tenui pretio venale quod omnibus astris  
 Vix emat æthra caput; putida Cypris emit?  
 Si sit emi caput, vltro rapi sibi dona coronæ,  
 Ac regni, & capitis splendida damna pati.

*Epigramma 13.*

*Cædes.*

**S**iqua nocet fera, triste nemus sibi querit, & umbras,  
 At sauit media mæcha læna dic.  
 Et sibi deposit munus ferale crux;  
 Quem bibat obsceno lanx scelerata toro.  
 Quid facit ad cædem Regis natalis Eous?  
 Impia funesta vespera mortis erat?

*Scilicet*

Scilicet hoc nasci felici est sidere Regem,  
Si iubar extinguat, quo forer orta dies.

*Epigramma 14.*

**Quæstio.**

**De Morte Ioannis natali in festo.**

**C**ur vita lux iussa mori est Herodis in ortu?  
Qui iubet Herodes, mors reor ipse fuit.

**AD HERODEM**

**Q**uo minus apta loqui est truncu Vox cædua collo,  
Hoc magis ultra nefas arguit illa tuum.  
Ipsa loqui lacrymis si vita sit apta dolorem :  
Mors ipso loquitur sanguine triste scelus.

*Epigramma 15.*

**Ioannis caput iacet in patina. Ipsa  
pietas queritur.**

**E**x ego lupæ castum variis caput immolat ensis,  
Sanguineoque aperit tramite vocis iter  
Iam tacet & surdo truncum caput incubat auro,  
Auro, quod violat purpura dira crux?  
Quæ Vocem iugulat, mihi cor secat illa securiss  
Exsecat & linguam sica scelestam meam.

*Epigram. 16.*

**Palinodia.**

**V**iuit adhuc, viuit, Vox narrat & orba furorem,  
Ferrea sic truncum iam fibi lingua caput,  
Vita tenax animæ dirupit vincula ferro,  
Exsul & in ventos Vox leuis aura fugit,  
Exsoluitque fidem, quam debuit, obvia Verbo.  
Né magis hanc soluat, mors inopinata rapit ;  
Ah ! pietas cum voce pari cadet ergo securis,  
Immemor ut tantum supprimat umbra iubar;  
Parce queri, nec triste necis scelus argue, Verbum  
Poeta perenne loqui Vox nequit ista mori.

*Epigram. 17.*

## Epigram. 17.

E Ioanne epulum ferale Herodes  
instaurat.

**N**unc ubi natales reparat lux annua cænas.  
Triste gerit tabo lanx violauda scelus.  
Pocula ne desint funesto digna furori;  
Dulce dabit trunco sanguis ab ore merum.  
Plaude choro, chelyn adde mero, dum cassa fillet Vox,  
Nec potis est æquis texere verba modis.  
Sic eodem credis, sed mors nunc ipsa queretur.  
Vox licet icta semel, bis tamen apta queri est.

## Epigram. 18.

Ioannis caput & Vox suauissima sua.  
ues Herodi deliciæ in cæna.

## AD IOANNEM.

**M**elle mero stillat tibi Suada venusta pudoris.  
Non tulit hanc suadam fœda libido probro.  
Hinc os melle liquens Rex in sua fercula vertit,  
Hoc quid ni sitat mel? (a) ferus vrsus erat.  
(a) Vrsus mellis audidissimus.

## Epigramma. 19.

Herodias acu crinali lancingat Ioan-  
nis caput.

**V**ibrat, & elumbes vaga se lupa frangit in artus,  
Anguipedemque agili corripit arte rotam.  
Et tremulis plectris se mille refingit in artes,  
Exos ut umbra, leui quā trahit orbe gradum.  
Quā præit illa, vago sequitur comes ocyor Euro,  
Quā sequitur comitem, rursus ut umbra, præit.  
Sequac fugit sequiturque, nouumque recursat in orbem,  
Stansque breui versat, ceu trochus, orbe rotam,  
Inde repens rapido volitans per inania cursu,  
At retro, porro fugit, nixa volubilibusque

Implexi

Implicita rotis, refugum simul explicit agmen.  
 Et labirynthæum voluit, & exit iter.  
 Quo prelio? Vatis caput impia poscit Erinnys,  
 Dira quod in disco lena gemente vorat.  
 Vulnificaque repungit acu, carptimque lacescit,  
 Largior ut digitos perfluat inde crux.  
 Quot fodit os stimulis; dentes tot crede leænæ,  
 Queis laniat castum lena cruenta caput:  
 Et totidem stimulis caput inde repunget Erianyo,  
 Ac quot aget stimulus; tot dabit inde faces.

*Epigramma 20.*

Ioannis linguam uti lyram Herodias  
 acu, ceu plectro, ferit.

**T**angis aca linguam? tangis chelyn impia plectro.  
 Et tamen id nescis, denuò tangis acu.  
 Stulta putas? silet ista chelys? canet ista: canoro  
 Attigeris plectro; dic lyra nonne sonat?  
 Quid sonat? an queris? quoties acus aspera linguam  
 Tangit: aeu toties Vox canit ista scelus.

*Epigramma 21.*

Herodias acu dilaniat Ioannis caput.

**I**mmiti compungit acu caput improba pellex,  
 Quale nec ylla tulit mensa, nec ara feret.  
 Nempe timet, fœdi ne se Vox conscia probri  
 Increpet. hoc tanto iam magis ista canet.  
 Vos precor, æterni cælo qui curritis ignes.  
 Crimen id æternis arguat æthra notis.  
 Tuque adeò primus radijs quibus omnia lustras.  
 Hanc & acum radijs sol mihi verte tuis.  
 Ut quot sol tereti radios excudit in auro:  
 Turpe tot inde canant aurea plectra scelus.

*Epigrammæ*

## Epigramma 22.

## Quæstio.

**C**ur Christus ante Herodem conticescat?

**C**ur Verbūm silet Herodis stans ante tribunal?  
Rex Verbo Vocem præscidit ante suam.

## Epigramma 23.

Nemesis Herodis immane parricidium, miratur & execratur.

## AD IOANNEM.

**V**sque adeò tu vile caput, Rex inclyte Vānum,  
Emtus ut ipse lyra criminē & artē cadas?  
Teque Cypris spurcum quæ mollius ardet Adonim  
Immolet, ah! Marti ferrea mæcha suo?  
Et iam lena procax albis te dentibus, ehen!  
Rideat obscenis ad sua ferta probris?  
Quid ferro ac epulis? torus an decis ergo theatrum est?  
Quid caput in disco? victima id apta gulæ est?  
An natale decus fædo lanæ obsita tabo?  
Triste caput festo digna corona tore est?  
Nil paterâ saliente sapit liquor almus Iacchi,  
Ni Huat articulos inter, & ora cruor?  
Pro furor! hos igitur lux it natalis in vſus,  
Ut rea nox cogat sidera tanta mori?  
Id fuit Eoo nasci ceu sidere Regem,  
Vespera si furuis Phosphoron umbrat equis?

## Epigramma 24.

Minæ in Herodem & Herodiadem  
propter Ioannis cædem.

**V**ates, Rex, mulier, tria nomina iuncta sub uno:  
Hæc scelus, ille necem, tertius armis sonat.  
Arma.

Arma, sed irae Nam vindex queis subruat aulam,  
 Augor, horrendas detronat ira minas,  
 Hic sibi quam discors pugnat concordia rerum !  
 Quid cum Vate lupæ quid Cypris arma gerit ?  
 Cum dape quid ferro ? quid mors cum principis ortus  
 Quid chely cum sicâ i plectra dat illa lyra ?  
 Pardalis obsceno quod nubat adultera pardo,  
 Cur rapit ah ! Vocem Martis ad arma Venus ?  
 Nempe suo lituo Vox territat horrida mæchos,  
 Asperaque ab duro vindice bella sonat.  
 Hinc odijs seges, hinc nigra fax accensa Megært.  
 Hinc metus, eque metu dira libido necis.  
 Quis furor hic horrere tubam, & sine fulmine Vocem,  
 Et nil fulmineq; tela pauere manus ?  
 Quod tuba, quod tubicen mutas cadat orbis in umbras,  
 Nulla geret vixor vindice tela manu ?

### Epigramma 25.

#### Quæstio.

**Herodes, Ioannes, & Herodias, quid agant ?**

**R**E. Vates, pellex ; adiurat, publicat, virget ;  
 Sceptra, scelus, cædem ; Numine, morte, choro,

### Epigramma 26.

**Nemesis Minæ ,  
Ad Herodem.**

**M**ANAT opima dapum cui copia, siue Lyæ i  
 Ut quid amara sapit mors tibi dulce scelus ?  
 Si Venus ipsa sitim largo iam vicit Iaccho ;  
 At nunc Mars Veneris mæchus & ipse sitit,  
 Quod rabiem viucas bibe cœu fera saua, cruentem ;  
 Cui fluit incesto saucia vena toro.  
 Unde sitim pascas, multo quod sanguine manat  
 Hoc caput ah ! crudum mortis in uber abit.

Purp



Purpureo sed ubi biberis satur ubere mortis :  
 Hoc caput attra cui sanguinis verna fluet.  
 Heu miser ! alterius bibis hac in cæde cruorem  
 Ipse tuum. in Vatis mors tua morte later.

*Epigramma 27.*

**H**erodias insultat Ioannis capiti, &  
 inde vindictæ timor.

**Q**uâ crines dispungit acu sibi lena Leoni  
 Nupta ; sacrum Vati sauciavit illa caput.  
 Nec satis est cædi. quisnam furor iste furoris ?  
 Sæuit & in mortem, mors potis ergo mori ?  
 Viuit adhuc. ferro nescit vis enthea vinci.  
 Quamlibet infestus surgat in arma furor.  
 Os silent hic, fateor, sed dira minatur in hostem,  
 Acer adhuc animus vulnera, tela, rogos.  
**E**xprobrat & multo manans os sanguine cædem :  
 Cædem, quam nullis expiet ætra rogis.  
 Post animam, stat adhuc animi pars magna superstes,  
 Si cadat iniusta victima cæsa manu.

*Epigramma 28.*

**C**aput Ioannis exprobrat Herodi  
 suum scelus.

**R**egificos Eos primæua reponit honores ?  
 Haud ita felici est sidere nata dies.  
**Q**uis nescit caput innocuum cecidisse securi ,  
 Sanguineumque dapes erubuisse scelus ?  
**A**n silent elingui iam Vox excisa palato ?  
 Increpat iniusta vulnera cusa manu.  
**E**st & mors aliquid. nec enim simul omnia tollit :  
 Viuit adhuc morti postuma flamma furor.  
 Stulte putas surdo claudi pia lumina letho ?  
 Ira memor noxa pondera vocis habet.  
 Iamque oculi prius ambo gemella lucerna salutis,  
 Dira tuæ flagrant astra gemella necis.

*Epigramm.*

*Epigramma 29.*

**Ioanni vocem Herodes excidi  
imperat.**

**AD HERODEM.**

**T**u miser extinguis castam & sine criminis Vocem,  
Ne canat incesti putida furta tori?  
Qualis in immani Thracum qui littore Prognem  
Excudit, infandum ne quereretur opus.  
An siluit? Tereu (a) nescis, male prouide nescis:  
Visa mori, muto publicat ore nefas.  
Quis scelus id nescit? caput hoc tuba publica mundo est.  
Quam nox nulla teget, sera lucerna micat.  
Qui duros tenerâ iam non fert ante Catones,  
Durius Eumenidum sons feret inde probrum.  
Fabula sed Progne; Tereus, fraus nescia veri.  
Vox hîc iussa mori crima vera caner.  
Quod si pungat acus caput hoc, sata criminis lenes;  
Hâc id fama scelus publica pinget acu!

(a) *Thereus Rex Thracia Prognen & Philomelam sorores per vim violavit, iisque linguam exseruit, ne id flagitium aperirent; quod ipsa acu in telâ depinxere. Postea Philomela & Progne in aues sui nominis conuersæ auolarunt.*

*Epigramma 30.*

**Ioan. Vox Herodis scelus execratur.**

**T**etra Palæstinas nunc Atreus crima rursus  
Cœnat, & immani mors sedet atra toto.  
Sol scelus indignans Macheruntide (a) rupe quadrigas  
Felix, & in noctem triste reflexit iter.  
Et quasi de ripâ refugos Acherontide currus,  
Anxius Oceanis mersit Eous aquis.  
Sanguineo grauat in nimbo nox impia cœnam:  
Exca verecundus condit & astra color.

O ij

Quam-

Quamlibet occæcas; tanien his iubar emicat vmbra;

Arguet hoc semper sancta Lucerna nefas;

Quis scit, inocciduo num se nunc induat astro?

Quæ stetit ante toro, iussa lucerna mori?

Nox certe quot rorat aquis, quo: & emicat astris:

Tor lacrymis, oculisque hoc scelus æthra gemit,

(a) Macherus arx munitissima, Herodis Regia;  
ubi casus Iohannes.

*Epigramma 31.*

**C**onscientia Herodem, Herediadem  
que super cænâ admonet de suo  
scelere, & vitæ breuitate.

**T**erra cruentandæ nunc ad bellaria mensæ,  
Vilius ah! ponio stat sine luce caput.

Vilior & fungo, stat dia lucerna, lucernas  
Inter, Auernali quas face Comus alit.

Ærgo caput, cælo dos digna, sub vngue leæna  
Voluitur infami tabida triassa toro!

Tun' tanquin scelus, ò bipedum nequissime? tantum  
Tun' scelus in Diuos ausus, & ausa Cypris?

Lude miser turpes turpi cum Cypri de ludos;

Ludicraque exosum sic pila vestra caput.  
Ludus & ipse Deo est homo, ceu pila versa procellis.

Sed cui pro ludo serius angor erit.

Mane dies sine nube, rōsis qui floret in aurō  
Sidereo; furua nocte sepultus obit.

Par tua lux. Tyrio quæ nunc adridet in ostro,  
Funebris obscuro mox cadet vmbra luto.

Quid nisi vita brevis fugitiua diecula vitæ?

Quid leue dans hodie, cras sit ut ipsa nihil.

*Epigramma*

243

*Epigramma 32.*

Ioannes Lucerna extincta lucet ; ipsa-  
que Herodias viua suis immo-  
ritur delicijs.

**V**Tlubet, in risum laxos dissolute cachinnos,  
Applaudatque pares turba petulca iocose  
Mors hilaros inter thyrsos hilarasque corollas,  
Injicier festo spicula cœca Choro.  
Quæ soror, & coniux fædos accedit amores,  
Par luet illa suo cum Iove Iuno scelus.  
Coniugis incestæque sororis an ergo piaculum  
Is non iure perat, mors cui castus amor ?  
En noua iam medio rota voluit or be choreæ,  
Iusta pedes pedicis iam tibi pœna premet.  
Discolor ad cyathos hæc vertitur alea fati.  
Mors, & Vita pari ludit utrimque toro.  
Quem modò mors umbrat, natale resurget in astrum :  
At tua lux Stygijs naufragia sider aquis.  
Nescit enim mors illa mori, quæ viuit amore :  
Quæque odio flagrat, viuere vita nequit.

*Epigramma 33.*

Herodis & Ioannis dispar exitus.

**P**RÆ quām stulte velis Rex, & Regina, sub orco  
Alea nunc aliâ voluit oratra manu.  
Alteraque astrigero nunc vertitur vrna senatu.  
Aurea purpureas sors cui spondet opes.  
Quem crux incestat, decorat sua purpura vatem.  
At tibi fax ostro rudat inusta latus.  
Exudit ille breui de compede mille coronas:  
Te picis in cippo sceptra perusta cremant.  
Sidereo bibit ille toro iam nectaris imbres:  
Mœcha pari tecum mergitur hausta rogo.  
Quem furor obtruncat pulchro fert præmia letho:  
At premium noxe fert lupa iuncta lupo.

Et consors socias admugit vterque querelas.

Alter vbi læto plectra dat alba thoro.

Sors ea quām discors ! mons viua coronat amorem,

Addicitque odium mortua monstra rogo.

Vna dies lucis, simul vna fit arbitra noctis.

Et parit æternum dispere sorte diem.

*Epigramma 34.*

**Herodes & Herodias vna peccant,  
& vna luunt.**

**H**ic cœnē quod specto caput? quem cerno Lyæum?

Os rubet hīc, truncō defluit ore crux.

Fercula quis diris statuit Cyclopea mensis?

Pardus, & incesto pardalis apta viro.

Dum male lasciuos sese suspendit in artus,

Et rotat clumbi se vaga lena choro;

Ad thyasos (omni prō! voce quod exsecror ardens)

Mœcha scelus, confiat mœchus & ipse scelus.

Quos par culpa, pari iunget par pena sepulcro.

Par nimis æquæuis vrat vt Ætna rogis,

*Epigramma. 35.*

**Herodes & Herodias par luunt  
supplicium.**

**NEMESIS AD HERODEM.**

**R**ex salue, salue Regina simillima Regi,

Quæ par è socio crimine crimen amas.

Pone supercilium, quod gloria pinxerat ostro,

Et cui clara stetit grande corona decus.

Quid nisi Væ miseris, vindicta quibus imminet ensis,

Imminet ac diro sæuior ense rogus?

Ah! atros Phlegethonæ fuligine postes

Ille subit, mœchæ limina quisquis adit.

Tu (a) Pari testis eris, testisque (b) Ægyptus adulter,

Et testis, (c) Phario qui caler igne torus.

*Discit*

Dicite quid vobis cum Voce tubaque Tonantis ?

Nec metus est, ne mors diuidat vna duos ?

Plus nimio vos vna pari sors iunget aheno.

Par vbi vos æquo sulfure flamma coquet.

In caput ipse suum gladias procudit & iras :

Quisquis in alterius vulnera tela vibrat.

Cuique sacram sceleris pudor opprimit vltro lucernam,

Regna sub æternâ nocte sepulta peter.

(a) Ob Helenæ raptum Troia excidio luit pœnas

Priamus, & Paris.

(b) Aegyptius, adulter Clitemnestra, ab Oreste  
occisus.

(c) Antonius, cui Fulvia uxor, ob Cleopatra  
amores perijt.

### Epigramma 36.

Conuiuæ, & ipsæ epulæ horrent fune-  
stum in disco ferculum.

S Perabam faciles mensa Sybaritide risus,

Quæsis fuit arguto littera scripta mero.

Sed mihi triste scelus, tristis describit Iacchus :

Perlege funesto pingit in orbe caput,

Quale caput, quæris ? scelus eloquar ? ægra stupet vox.

Sæuus id ab truncu pectori mucro tulit.

Grande verecundo scelus ecce superites in auro

Discus habet, Stygijs sidere dignus aquis.

In tenues optat lanx credo, liquefcere guttas.

Ne ferat immensum facta scelestæ scelus.

Suffringique pedes sibi vellel inhospita vari

Mensa pudet mensam tam graue ferre probrum.

Nec pudet obsecnam (quid non Cypris ausit?) Erinnys,

Dira cruentato quærere ferela toro ?

Nempe nequit iustas mens conscientia ferre querelas,

Quas vox casta sonat, vel tonat ira minas.

Ergone si tenui quæ lenè susurrat in aurâ,

Ferre nequit Vocem, iam feret illa caput ?

Sed caput in iustas, velut Aetna, quod ardeat iras.  
Circumstantque suis fulmina fœta rōgis.  
Par quibus Herodes, necnon Herodias ignis  
Dellagret, æqua pari criminè pœna redit.

*Epigramma 37.*

**H**erodias saltans in glaciali amne,  
subinde in eo se contemplans,  
mergitur.

**M**armoreo prius in speculo, liquidoque sepulcro,  
ire diu suetam Naiada vinxit hiems.  
Lena sed ut Nireus (sibi mors natat obvia Nireus)  
Consulit in nitido, quæ gerit, ora gelu.  
Et sese vitro transformis in amne figurat,  
Et super ipsa suum facta bis yna, decus.  
Nec mirata diu volucri ruit ilico cursu,  
Instabilemque rapit per sola fluxa rotam.  
Lubrica sed fragili fallit vestigia vitro,  
Æmula marmoreo quæ sterit vnda solo.  
Sub pedibus crepitat glacies infida, nocentemque  
Haurit inexplevis Naïs auara vadis.  
Illa labat, peniroque labans desidit Auerno.  
Ista per vtrices mors venit acta manus,  
Quale scelus! summo qui nabat in aquore fluctus,  
Nunc imis refugit facta Charybdis aquis.  
Ab speculo cadit in cæcum rea mæcha sepulcrum.  
Cui solido pingi lumine, sponse mori est.  
Naufragus infidis alter quæ Nireus vndis,  
Si sibi par Nirei forma fuisset, erat.  
Ah miseram! quam vana suidum ludit imago;  
Quod dare debet humo, dat graue corpus aquis.

*Epigramma 38.*

**H**erodias in glacie saltitans, demer-  
gitur.

**H**ic ubi lascivas dat lena proterua chereas,  
In fidam glacies lubrica fallit iter.

Atque

Atque caput virreg mors presecat aspera telo.  
Quid & facit & mollis spicula dura liquor?  
Et quidni faciat, si mollis & ipsa voluptas  
Asperat in durum mollia corda scelus?

*Epigramma 39.*

**A L I V D.**

**M**ænas inabruptos vaga versat in orgia gyros,  
Orbemque saltatorium.  
Et salit vndatim ceu capra petulca, vel Ibex,  
Lasciuens in rupibus.  
Idque pigros glacies vbi lubrica pumicat amnes,  
Sternitque fluxa marmore.  
Sed leuipes amplum quæ circulus exit in orbem:  
Hausit Charybdis capream.  
Illa ruit, Stygiisque ruens descendit in amnes;  
Orbesque versat igneos.  
Nempe caput Vatis medio stetit æquore punctus;  
Quod cæca Mænas circuit.

*Epigramma 40.*

**A L I V D.**

**F**lumina frænat hiems, vitreâque coërcet habent.  
Anxia captivo iam pede Nympha sedet.  
Lena sed exultim vincit eludit in vndis,  
Et celerem tardo versat in amne chorum.  
Sed male securis mors subnatast horrida stagnis,  
Marmoreisque dolos adstruit ima vadis.  
Increpitat glacies fugiunt sola perfida mæcham.  
Lympha fluit, fluidis mæcha residit aquis.  
Miror ego qui lena cauum defidat in orcum,  
Quæ levitas nullo pondere tota fuit?

Q. V.

*Epigram.*

## Epigramma 41.

## A L I V D.

**D**Vrat hiems tenuique incrustat marmore riuos.  
Hic agitat rapidos læta Megæra choros.  
Sed reuoluta ruunt liquidi super æquora fluctus.  
Perfida quos fragili compede vinxit hiems.  
Sauciaque vndosum glacies iter explicat orco.  
Sedit Auernali naufraga præda lacu.  
Tum dixit Themis Utta nefas de funere mœchæ:  
Do leue corpus aquis, cætera linquo rogis.

## Epigramma 42.

Ioannes nunciat in limbo Messiam  
breui adfore.

**V**T fragilem fregit ferro mors inuida testam;  
Purior ad Stygias emicat ignis aquas.  
Sic modò qui fuerat vix parua lucerna nepotum;  
Magnus hic extinctis Phosphorus ibit avis.  
Maturamque canet venturo sole salutem,  
Sol donec radijs luitret Auerna suis:  
Interea cœco vates erit Hesperus orco.  
Alter at Eois Phosphorus ibit equis.

## Epigram. 43.

Ioannes ante ardens & lucens lu-  
cerna, à morte magis in-  
clarescit.

**L**ingua labat, titubatque cauo vox hausta palato.  
Eloquar? extinctâ luce Lucerna silet:  
Nec silet, innumeris tædis clarescit & astris:  
Quæ perit impuro rapta lucerna toro.  
Quæ scelus hoc aperit, lux mille dat vnica luges.  
Ante Lucerna noui solis Eous erit.

## Epigram.

## Epigram. 44.

Pius conuiua, cædis memor, nequit  
suum dolorem proloqui.

**V**T memini, castum quem pocta böhre cruorem,  
Pocla verecundo sanguine docta queri.  
Hei mihi ! persidit dolor altus, & ira medulias,  
Exsul & exsangui pectore vita fugit.  
Villa nec informi mihi palpitat aura palato.  
Tantus anhela metu strangulat ora pauor,  
Est & adhuc aliud, mihi cur vox hæreat : illam  
Vatis ab extremo frigore rauis habet.  
De Vociis glacie, quid ni vox rauca sileret ?  
Sed quod sic sileat ; vocis id instar erit.

## Epigram. 45.

Veritas caput Ioannis peplo intexit,  
æternum ut viuat.

**V**T viduum truncō vidi caput arbitra veri.  
Et roso mergi flumine vocis iter.  
Immemor obscuris heu ! puluis inoccat arenis.  
Tale decus, Superā dignius arce legi.  
Et sors atra premit Vatem lacrymabile nomen.  
Dixit, & illa sacrum colligit orba caput.  
Ac casto lacrymas affundit amara crux,  
Quas bibit alterno roscidus imbre peplus,  
Vnde colorandas tingit sua purpura tramas,  
Dedala quas Phrygiā cura figurat acu.  
Ars picturato, viden' illigat aurea velo,  
Quod rapuit ferro lena cruenta caput.  
Et loquitur Vox ipsa, suo iam posthumo letho,  
Ante sui partum quæ fuit apta loqui.  
Sed nequit ista mori Vox; cælite viuit in ostro.  
Cur ea bis pereat ; sat semel virò perit.

## Epigram.

## Epigramma 46.

Ioannis Baptiste caput partim  
exuritur.

**I**Mproba flamma vorat caput, & vorat improba Vocē,  
An silet immitti lingua sepulta rogo?  
Fama superuolitat pennata flagrante sepulcro?  
Iam pro voce parat flamma sonora loqui.  
An, cui purpureo vibrat ignea lingua flabello,  
Flamma loqui nolit, quod canit æthra iubar?

## Epigramma 47.

Crines Sancti Ioannis Byzantij  
asseruantur.

**A**Dspice sanguineo concretos puluere crines,  
Quā bimari lattat Bosphoris ora solo;  
Et dic, pūrpureos Vatis quot specto capillos:  
Tot linguas roseo dat coma crine loqui.  
*Nicephorus Phocas transfert ē Syriā Byzantium*  
*S. Ioannis crines adhuc sanguine concretos. Zona*  
*Niceph.*

## Epigramma 48.

## Index S. Ioannis

Florentia etiamnum afferuantur: cui eximum ad-  
structum est templum, cum valuis solidō ex aere, ubi  
utrinque Testamenti historiae opere inenarrabili  
expressæ.

**V**T quid adhuc index Vatis viger integer æui.  
Intactusque rogo? rurius an ambit aquas?  
Alter an Agnus adest, quem rursus hic indicet orbi,  
Iordanisque nouus quo lauet, (a) Arnus erit?  
(a) *Arnus fluvius Florentiae.*

## Epigram-

## Epigramma 49.

S. Ioannis reliquiae dæmonas  
torquent.

**N**unc caro iam caries; quām te scelus improbe fallis?  
Ardet ab algenti viuidus osse cinis;  
Exuritque truces existincta fauilla Dracones;  
Flamma quid ergo facit, si cinis ipse cremat?

## Epigramma 50.

Hæretici Ioannis sanctitatem  
eleuant.

## AD HÆRETICVM.

**O**pugnas vigilem pernox cœl larta, Lucernam;  
Strix importunis strider ut aspera modis.  
Efuge Calix, caue Luthere, quid obstrepi amens  
Papilio? pennas fax edet ista tuas.

## Epigramma 51.

Mentitur Chytreus pilos Camelorum,  
quibus sibi cilicium S. Ioannes ex-  
asperat, fuisse vestem vndulatam,  
seu Camelot.

**M**ollicula byssœ tenerum latus hospes arenæ  
Mulcer, obitque leui purpura texta pilo;  
Sic rigidæ molli re leti vis stamine setas.  
Næ tu initis homo, cor miserantis habes!  
Ah! miser, & nescis; hæc plusquam rere, cameli  
Hispida te cœcâ seta remordet acu;  
Illa tuam molli damnat de stamine byssum,  
Quæ riget hæc sento textilis umbra sago.  
Credo, times tenero, mi comule, mollior agno;  
Ne roga te duris mordeat hirta pilis.

## Epigramma

## Epigramma 52.

## Ad Hereticum.

**C**Vi toga setosis stat, ut asper Echias, in armis,  
Vis regat hunc molli serica chlēna pilo.  
Dic mihi, deserte quam fert pius incola sylue,  
Hanc tu fers etiam, mollis Adoni, togam.

## Epigram. 53.

Ioannis in scrupeo specu delitescentis  
Imago.

**V**ituit in hoc saxo desertæ cultor areæ.  
Quod prius egit, agit, denuò saxa colit.

## Epigram. 54

Ioannis Vocis clamantis in deserto ad  
aquas Salim Imago.

**Q**vid tibi vis, mutas Vocem qui pingis ad vndas,  
Vix' bene Ioannem pingere? pinge sonum.  
Aut vatem fons pingat aquis, queis blanda susurrat  
Aura, dabit Vocem Naïs, & aura loqui.

## Epigramma 55.

Ioannis Baptiste qui Vox clamantis in  
deserto Imago.

**N**unc oculo specto, sat ut auribus haufcro, Vocem,  
Dic, oculus Voci numquid & auris erit?

## Epigramma 56.

## Viua Ioannis effigies è cerâ.

**A**dspicis hunc Vatem, gelidâ qui pallet in umbra?  
Viuit adhuc; perdit quâ perit ipse, necem.  
Postuma viuaci cerâ mors spirat & igni.  
Ardet adhuc letho viua lucerna suo.

Abs

**Ioannes Rhodo præsidium  
contra Turcas.**

*Vbi Petrus Danbuysson militaris ordinis S. Ioannis, Rhodi magistrum agit, Mahumetes secundus orbis Christiano terror, & gemini euersor imperij, & tot regnum excidis superbis iam victor, etiam Rhodon, pulcherrimam illam Carpathij maris rosam, magna Virgini & Ioanni Baptista sacram, it ereptum. Itaq;, obfessam iam Rhodo, Rhodienses milites militare vexillum, cui apparetus in cruce Christus, Deipara, S. Ioannes Baptista, & Ierosolymorū insignia, mœnibus prefigunt. Vbi tum & crux aurea ē cœlo adfultit, eiusq; ad latus vili sub amictu Heros dux, corusco in agmine apparuit, qui ensem & clypeum hostibus obtemperet; unde ijs cen fulmine adflatis incussus terror. Insuper & duo viri humana formā augustiores, noctu mœnia obeunt, & ubi Turcae adfultum parant, minaci ferro, & vultu in fugam auertunt, Rhodumque Solymanno tandem diu post expugnandam, sub Alexandro VI. relinquunt. Sabel. supplem. hist. Venet.*

*Epigramma 57.*

*Quæstio.*

*Ad Diuum Ioannem.*

*P*ost huma bella geris, tibi dum caput excidit ensis?  
Victor ouans hostes quo cadis ense, metis.

*Corona*

Corona ferrea, quā primō Cæsares cinguitur, seruatur Medoëtia in augusto S. Ioannis templo; quam Mediolani accepit Henricus Luxelburgensis. Argenteā verò Caroli Magni coronā Aquisgrani insigniuntur. Aureā denique iam Francofurti; olim Romæ.

## A D R O M A.

**R**oma, tuam vatis tutelæ crede coronam;  
Ferrea nunc, dos hæc aurea Regis erit.  
Sors ea par Vati; quem mors nunc ferre a terris  
Abstulit; is cœlis aurea sceptra regit.

Ioannis nomen, uti præclari viri; olim apud Christianos scriptum notis; quales Tiro Ciceronis libertus inuenit; & ex eo, & Seneca Janus Gruterus typis edidit; item & Elisabetha nomen sic scriptum apud Isidorum legitur.

**S**cribere vis vatis, princeps cui gloria, nomen?  
Ut potes, innumeris hunc mihi scribe notis.  
Hanc tamen his scribes unum vel vatis iera.  
Tot titulos laudum Vox sonat vna suos.

## Epigramma 58.

### Ad Benetolum Lectorem.

**V**Ox si scripta placet; scriptam cum dixeris aurea.  
Si minus adridet; dic leuis aura sonat.

## ELEGIA